

四庫全書

史部

欽定四庫全書

史部

欽定大清會典則例卷四十九

詳校官檢討臣劉炘

編修臣程嘉謨覆勘

總校官原任中允臣王燕緒

校對官助教臣黃昌禔

謄錄監生臣董邦本

欽定四庫全書

欽定大清會典則例卷四十九

戶部

雜賦上

一蘆課乾隆十八年各省冊報江蘇蘆地科銀
草麥蘆籽粒等地每畝五釐至一錢五分一釐
不等籽粒蕩灘熟低等田每畝一分至一錢五
分一釐不等密蘆每畝三分至六分不等稀蘆

每畝一分五釐至四分不等埂划塘每畝一分
至二分不等草泥水光籽粒水影荒白塗水窪
等灘每畝一釐至三分八釐不等計蘆地三萬
四千三十頃七十三畝零課銀十有二萬六千
九百五十三兩五錢一分有奇

安徽蘆地科銀基草荻草麥市熟等地每畝一
分至三錢三釐七毫不等上中下等熟田每畝
一分至一錢不等密蘆每畝三分五釐至六分

六釐不等稀蘆每畝二分五釐至五分二釐不
等水低等蕩每畝一釐至二分九釐不等草泥
水等灘每畝一釐至一分不等蘆墩每畝五分
七釐埂划每畝一分水套每畝四分白沙每畝
四釐計蘆地三萬一千四百八十五頃三十一
畝零課銀五萬一千三百四十七兩二錢四分
有奇

江西蘆地科銀上地每畝三分至三分五釐中

地每畝二分至二分五釐下地每畝一分五釐
密蘆每畝三分稀蘆每畝二分上草地每畝二
分中草地每畝一分五釐下草地每畝一分魚
塘每畝一分草塌地每畝六釐計蘆地四千三
百四頃八十七畝六分零課銀六千二百六十
八兩三錢六分有奇

湖北蘆地科銀密蘆每畝三分二釐至三分四
釐稀蘆每畝自六釐至二分二三釐不等中蘆

田每畝二分五釐下蘆田每畝七釐上則麥地
每畝一分八釐至二分三釐中則麥地每畝一
分八釐下則麥地每畝一分三釐中地並中熟
地每畝二分五釐熟地每畝二分三釐及二分
五釐基地每畝一分二釐至三分二釐五毫不
等草塌葫荻湖墻中草塌下草等地每畝各六
釐草墻下草墻每畝各三釐計蘆地八千四百
八十九頃三十五畝二分零課銀九千八百八

十四兩二錢三分有奇

湖南蘆地科銀上熟地每畝九釐至一分九釐
下熟地每畝八釐三毫至一分密蘆地每畝五
釐稀蘆地每畝二釐及三釐成熟地每畝八釐
三毫至一分四釐八毫六絲七忽不等籽種地
每畝九釐六毫八絲九忽基地每丈科銀五分
其按畝科徵者每畝一分至一分九釐不等計
蘆地千六百三十六頃十有九畝二分零基地

四百六十丈五尺課銀千三百二十九兩三錢
五分有奇

一茶課江蘇額行茶萬五千引分發江寧茶引
所大使茶引八千其餘七千分發產茶之吳縣
荆溪縣凡有商販入山製茶貨不論粗細每擔
給一引每引額徵紙價銀三釐二毫其徵收課
稅例於經過各關按照則例驗引徵收彙入關
稅項下報銷

安徽舊行茶四萬五千引新增二萬四千九百
八十引共六萬九千九百八十引分發產茶之
潛山太湖歙休寧黟宣城寧國太平貴池青陽
銅陵建德蕪湖六安霍山廣德建平十七州縣
凡有客商入山製茶每擔給一引每引徵紙價
銀三釐三毫其徵收茶課例於經過各關按照
則例驗引徵收彙入關稅項下解部又歙縣街
口司有每年茶牙完納茶稅銀四錢三分二釐

彙歸地丁奏報○雍正十年題準歛休寧黟寧
國建德霍山六縣茶引不敷行銷請增萬八千
三百八十引○又覆準六安霍山黟建德寧國
五州縣請增萬五千五百引又懷寧桐城宿松
望江南陵涇旌德石埭東流當塗等十縣地不
產茶開除八千九百引○十三年題準六安歛
休寧霍山等四州縣茶引不敷行運五六十引
請於額引之外豫頒萬引遇額引不敷即給行

運每年所頒餘引同額引一并發貯布政使司
庫遇有動用按數給發將給發存剩數目於歲
終造冊具題

江西茶課額徵銀三百六十五兩七錢行茶二
千四百三十八引每引徵紙價銀三釐三毫三
絲徵課銀一錢五分○雍正九年題準寧州武
寧縣額引不敷共增百五十引增課銀三十二
兩五錢○乾隆二年覆準江西額銷茶引三千

紙今南昌等三十二縣地不產茶並無商販領
引辦課應停給茶引七百十有二紙豁除課銀
百有六兩八錢紙價銀二兩三錢七分九毫
浙江茶課額行茶十有四萬引每引交紙價銀
三釐三毫北新關每引徵茶稅銀二分九釐三
毫八絲彙入關稅報解○康熙五十五年覆準
浙省每年例銷茶引十有四萬商人願備本銀
將每年解送黃茶親交

內庫一切水腳亦願自備今給與執照領引置茶
過關投稅均如舊例其存剩餘引按年赴部繳
銷○雍正五年題準浙省產茶獨多銷引數倍
他省行銷最遠輾轉興販商無定人應設商人
二名每年自備紙價銀四百六十二兩於藩司
衙門詳給咨批赴部交納請頒額引到浙呈送
布政使司挂驗轉給存貯俟各商販置茶齊全
赴北新關輸納稅銀管引商人每年辦解各

陵寢需用黃茶及供應

上用黃茶

內廷需用黃茶九十二簍又每銷一引應解茶果銀並盈餘銀四分二釐八毫計十有四萬引每年共解內務府銀六千兩

湖北茶課額徵銀二百三十兩行茶二百三十引繫咸寧嘉魚蒲圻崇陽通城興國通山七州縣請領各州縣產茶無幾不足本地日用所有

茶引無商可給向種茶園戶經紀中按每引紙
價銀三釐三毫徵稅銀一兩又均州荊門州鍾
祥縣本地鋪戶肩販小簍粗茶每引報稅一釐
八毫名曰落地稅盡收盡解乾隆八年四川建
始縣改隸湖北施南府舊行茶十有八引隨帶
湖北每引徵稅銀二錢五分課銀一錢二分五
釐共六兩七錢五分

湖南茶課額徵銀二百四十兩行茶二百四十

引向例茶商皆自陝帶引赴楚採買本省所頒
茶引並無客領給發產茶之善化湘陰瀏陽等
十七州縣行戶以為一年護帖每一引徵紙價
銀三釐三毫納稅銀一兩

甘肅茶課額徵銀六千二百六十六兩三錢二
分六釐本色茶十有三萬六千四百八十筵行
茶二萬八千七百六十六引每引紙價銀三釐
三毫榆林府千引神木同知二百引寧夏府二

百七十引三路共千四百七十引每引徵課銀
三兩九錢共徵銀五千七百三十三兩又西商
大引二萬七千二百九十有六於西寧莊浪洮
岷河州甘州五司地方行銷內小引百三十有
二在西安鳳翔漢中同州四府州縣售賣每引
行茶百斤內交官茶五十斤餘五十斤即為商
茶令其售賣作本每茶百斤作為十篋每篋二
封每封五斤共徵茶十有三萬六千四百八十

篋又漢中府屬西鄉興安漢陰紫陽石泉等州
縣所產之茶向不設引止許本地行銷每年徵
茶稅銀五百三十三兩三錢二分有奇歸入地
丁奏銷案內○順治初年定易馬例每茶一篋
重十斤上馬給茶十二篋中馬給茶九篋下馬
給茶七篋○七年題準舊例大引篋茶官商均
分小引包茶稅分差等今定大小引一例平分
○十年覆準延寧二處商稅每引茶百斤量入

官茶三十斤每斤折銀一錢三分交庫彙報○
又覆準各番交易茶馬量齎煙酒以示撫綏○
十三年覆準新茶中馬既足陳茶變價充餉如
新茶不足陳茶兩筵折一中馬○十四年覆準
私茶私馬變價及贖罪銀原留中馬支用今廣
寧開成黑水安定清平萬安武安等七監馬足
蕃庶改折充餉○康熙三十二年題準西寧五
司收貯茶筵年久難免沍爛每筵十斤變價銀

六錢○三十六年覆準陝西黃甫堡原額行茶
一百三十四引今口外蒙古在殺虎口就近易
鹽以致黃甫茶引不行嗣後將額引停其頒發
○又覆準甘州司積貯茶篋在五鎮俸餉之內
銀七茶三每銀一兩搭放直三錢茶一封○四
十二年題準陝西額行茶二萬七百九十六引
發西寧莊浪洮岷河州四司通番易馬內有八
百餘小引售西安鳳翔漢中三府人民供食後

因大引漸次寢更見今止留小引百餘三府地方人民不足食用今於小引原額內頒五百引給商行茶每引徵茶五篋每篋折銀四錢共徵銀千兩○四十四年題準西寧等處所徵茶篋停止易馬將茶變價折銀每新茶一篋折銀四錢陳茶一篋折銀六錢充餉○五十七年議準陝西西寧地方原額九千二百四十八引每引照例徵茶五篋折銀四錢徵銀四千兩○六十

一年覆準陝西西寧莊浪岷州河州界連口外
增茶引四千交與總督辦理一年定例之後仍
交巡撫辦理○又議準陝西西寧等處舊茶悉
行變賣以充兵餉○雍正三年覆準甘肅四司
茶範自康熙六十一年為始五年內總收本色
五年後即將五年以前之茶發出變價挨次出
陳存新將變價銀按年題報總以五年為率○
八年覆準甘肅收貯茶封照依時價發出變賣

飭令各司半月一報倘有驟長驟落亦即據實報明並責成各道員稽察七監所費仍將所奏市價按季具結報部變價銀造冊奏銷○乾隆元年題準甘肅應徵新茶自乾隆元年為始準其每茶一篋折交銀五錢照數徵收竢陳茶銷至八分之後應否改折本色再行酌議具題又新茶雖經改折陳茶銷售猶難將西寧莊浪洮岷河州甘州五司庫貯陳茶每封減價銀二錢

嚴飭司茶各官上緊變賣取結送部○二年題
準甘肅商人承辦茶引例由地方官稽察驗放
今榆林神木額設茶引赴陝西潼關察驗實屬
遶道脚價倍增於商未便嗣後商茶入陝之後
將榆林茶令綏德州察驗神木茶令府谷縣察
驗○七年覆準甘肅應徵新茶仍徵本色○十
三年奏準應徵茶封嗣後每年以二成徵收本
色八成徵收折色

四川茶課額銀萬三千一百二十八兩三錢七分五釐茶稅銀四萬五千九百四十二兩三錢七分八釐舊額新增共十萬六千一百二十七引每引交紙價銀三釐三毫課銀一錢二分五釐內邊引八萬四百二十有七每引徵稅銀四錢七分二釐腹引九千二百有六每引徵稅銀二錢五分土引萬六千四百九十有四每引徵稅銀三錢六分一釐按年造報奏銷○康熙二

十六年覆準四川茶增行邊腹萬有一百五引
○二十九年四川蓄茶漸茂用茶漸廣增行二
千四百二十三引○四十一年定四川天全土
司增五千六百引○又題準四川茶雅州增行
二千七十九引邛州三百引榮經縣三千五百
有四引○四十四年四川名山縣增邊引三千
三百有十○又題準雅州腹引難銷今改為邊
引行茶○四十五年題準新繁大邑灌縣增行

茶千九百引○四十八年覆準增行天全土司
茶五百有十引○四十九年覆準增行天全土
司茶七百二十引○又覆準雅州增邊引一千
九百八十○五十八年議準四川茶課合邊引
土引共六萬四千九十八引於松潘打箭鑪行
銷令均行飭禁將引繳部應徵稅銀暫行停止
尋以二處土司相繼歸誠仍發邊土二引行銷
○雍正三年覆準增邛州邊引一千三百○四

年覆準雅州成都大邑榮經灌等五州縣額引
不敷行銷增邊引八千六百三十有五〇又覆
準天全土司增土引七百七十〇又覆準增安
縣邊引二百〇五年覆準邛州增邊引千有一
百〇六年覆準四川遵義府改屬貴州其仁懷
縣額徵茶稅銀六十二兩五錢茶課銀一兩六
錢九分三釐又正安州額徵茶課銀二兩自七
年為始歸貴州交納〇七年題準增洪雅嘉定

二州縣腹引共三百又天全土民願增土引二千三百有五○八年題準天全土民願增土引三千九百四十○又題準雅州榮經二州縣茶引節年於打箭鑪地方行銷今因無力行茶改撥新繁峨眉等縣招商認銷邊引二千二百三十有三○又覆準四川茶引應徵權課每斤止徵銀四絲九忽有奇實屬太輕若照舊誌每茶一斤徵課銀二釐五毫似覺太重應酌減舊誌

之半無論邊土腹引槩以每斤徵銀一釐二毫
五絲為額○九年題準成都等六州縣增行茶
三百六十九引通江縣增六百七十八引○又
題準灌縣等九縣增邊腹共六百五十二引○
又題準羅江等四州縣增腹引五十有一新都
等四縣增腹引二百二十邛州增邊引一千一
百天全州增土引四千二百七十有一○十年
題準漢銅梁綿竹眉丹稜等五州縣增腹引共

三百二十有五又崇寧鄰水雅安汶川邛等五
州縣增邊引三千六百有三〇又題準保寧府
屬之巴州通江南江原額邊引二百向繫灌縣
商人代領買茶配引行銷請改撥灌縣於九年
為始按年行銷〇十一年題準名山等十六州
縣共增邊腹五千七百六十一引〇十二年覆
準什邡合南川銅梁太平等五州縣共增腹引
四百〇又覆準邛州增邊引一千三百〇乾隆

元年題準洪雅縣請增腹引二百五十〇六年
題準成都彭縣灌縣積引難銷酌減四千四十
九引〇十六年題準丹稜縣增腹引百四十〇
又題準洪雅縣增腹引六百八十〇十八年題
準南溪縣增腹引四十〇又題準丹稜縣增腹
引二百四十

雲南茶課額徵銀九百六十兩茶引三千每引
徵紙價銀三釐稅銀三錢二分按年彙入地丁

冊內造報○康熙四年覆準北勝州

今改永北府

開

茶馬市商人買茶易馬者每兩收稅銀三分該撫詳造交易細數番商姓名每年題報○雍正十三年題準雲南商販茶繫每七圓為一筭重四十九兩徵收稅銀一分今每百斤給一引應以茶三十二筭為一引每引收稅銀三錢二分於十三年為始頒給茶引三千飭發各商行銷辦課作為定額造冊題銷

直隸

盛京山西河南廣西均無茶課向不頒引○山東
向不頒引惟濟南府額徵茶稅銀八兩繫牙行
赴司領帖每茶一駄收稅銀三分歷城縣額徵
銀一兩四錢壽張縣茶行經紀一名每年納稅
銀三兩六錢又濟寧州有商運茶到州每茶百
斤收稅銀一錢粗茶百斤收稅銀五分均彙入
雜稅項下○福建向不頒引康熙十九年因軍

需議加茶課銀三百五十九兩二錢至康熙二十六年欽奉

恩詔豁免自此並無徵收茶課惟崇安之武夷山產茶聽商販運於經過關口照則例納稅多寡不一彙入商稅項下奏銷○廣東地不產茶向不頒引民間日用或藉江閩商販或採野茶自食所徵茶稅惟樂昌縣十兩五錢長寧縣六兩每年附入雜稅又潮州廣濟橋每粗茶百斤稅銀五

分細茶百斤稅銀三錢四分彙入橋稅內報解
○貴州舊無額銷茶引雍正六年因四川仁懷
縣改隸貴州隨帶二百五十引每引徵紙價銀
三釐徵稅銀二錢五分共徵稅銀六十二兩五
錢共徵課銀一兩六錢九分三釐八毫

引式

戶部為茶法事陝西清吏司案呈照得各省
茶法題準各項事例已經通行遵奉訖所有

引目條款合行開列鑄造銅版印刷引目給
付茶商收執照茶前去發賣施行須至引者
一茶引每引無論精粗連包照茶百斤為一
引給半印引目引價納完隨即發引照例不
許溢額

一客商販茶不許茶引相離違者即同私茶
與私鹽同罪

一經過關津批驗所依例照驗將引由截角

別無夾帶方許放行

一茶至各省府州縣往賣者即赴該地方官
驗明截角發賣

一偽造茶引者處斬籍沒當房家產告捉人
賞銀二十兩

一出園茶主將茶賣與無引客商興販者杖
六十原價入官

一行茶地方

某省某府某州縣某
城某街某營堡等處

一金銀礦課雲南永北府屬金沙江金礦每年
額課金七兩二錢六分遇閏加金一兩二錢一
分永昌府屬上潞江金廠額課金二十五兩五
錢六分遇閏不加開化府屬錫版金廠額課金
三十四兩遇閏加金二兩四錢貴州思南府屬
天慶寺金礦每兩收課金三錢三分廣東惠州
府永安縣粗石坑潮州府豐順縣雙山嶺嘉應
州大禾坪各銀鉛礦均每銀一兩收課四錢五

分每鉛百斤收課二十斤雲南開化府屬馬腊
底銀礦額課銀七百六兩八錢六分遇閏不加
中甸屬古學銀廠額課銀五百六十八兩五錢
三分六釐三毫遇閏不加建水州屬黃泥坡銀
廠額課銀六百六十一兩一錢一分遇閏不加
雲南屬興隆銀廠額課銀三千一百三十二兩
六錢五釐有奇遇閏不加永昌府屬募迺銀廠
額課銀三百兩遇閏不加南安州屬石羊銀廠

額課銀二萬二千三百九十兩三錢二分遇閏
加銀二十九兩又馬龍銀廠額課銀六百九十
八兩五錢二分有奇又土草喇銀廠額課銀六
十兩八錢四分有奇均遇閏不加楚雄縣屬永
盛銀廠額課銀三千三百七十五兩九錢六分
遇閏不加鶴慶府屬蒲草塘銀廠額課銀四百
二十一兩八錢一分七釐有奇遇閏加銀二十
四兩三錢鄧川州屬沙澗銀廠額課銀一千三

百二兩六錢七分遇閏加銀百有六兩三錢三分四釐臨安府屬箇舊銀廠額課銀三萬三千六百十有三兩七錢八分遇閏加銀三十八兩新平縣屬方丈銀廠額課銀六十八兩八分遇閏加銀四兩七分四釐永昌府屬茂隆銀廠收課多寡無定額○順治元年定山東巡撫開採臨朐招遠等處銀礦並令毋滋姦弊○八年覆準禁止臨朐招遠等處開採○康熙十五年差

部員至山西應州邊耀山監視煎鍊礦銀○十年覆準各省開採所得金銀四分解部六分抵還工本按月報銷○又定差官往陝西臨潼等處試採銀礦○二十年定差官往山東萊陽縣試採銀礦○二十一年定雲南省屬銀礦招民開採官收四分給民六分○二十二年停止山東山西陝西等省開採○四十三年

諭聞開採之事甚無益於地方嗣後有請開採者悉不

準行欽此○五十一年奏準開採雲南大姚縣惠隆
銀廠○五十二年題準湖南郴州黑鉛礦產有
銀母除商人工本外收稅一半○五十三年題
準雲南惠隆廠照郴州例收稅○五十七年題
準雲南楚雄府石羊等廠臨安府箇舊等廠徵
收不足照地丁雜項銀例題叅○又覆準雲南
霑益州貴州威寧府接壤地方出產銀礦令候
補知府知州各一人協理廠務三年內果有成

效照調補煙瘴例升補並準開廠人衆先發米糧豫備以平米價如遇歲歉暫時停止○又奏準開採雲南金龍銀廠○又題準開採貴州威寧府屬猴子廠銀礦二八收課○五十八年題準雲南建水州屬華祝箐廠並雲南縣屬水木支山金龍廠照惠隆廠事例收稅飭令盡收盡解○五十九年題準開採貴州威寧府觀音山銀鉛礦廠二八收課○六十年題準雲南華祝

箐廠洞門荆棘不便開採永行禁止○雍正元年奏準開採雲南馬腊底銀廠○又覆準停止貴州觀音山等廠○三年覆準開採雲南古學銀廠○四年題準開採貴州新開水城等銀礦二八收課○五年奏準開採雲南黃泥坡銀廠○又覆準貴州威寧府屬白蠟柞子二廠準其開採○六年題準湖南靖州屬之墓平山出產金砂應開採納課每淨金一兩收課四錢以五

分作解供耗費及官役養廉以三錢五分作商
民工本○又題準開採廣西蒼梧縣屬芋莢山
出產金砂每兩收課二錢○又題準開採廣西
臨桂縣屬水槽野雞二礦廠出產銀鉛銅砂二
八收課○又題準開採雲南永昌府屬募迺銀
廠○又題準封閉貴州威寧府屬猴子廠銀礦
○八年覆準湖南墓碑山金礦砂薄硿堅準其
封閉○又覆準封閉貴州新開水城等銀礦○

九年題準廣西蒼梧縣芋莢山金礦確空砂薄
準其封閉○十年題準開採雲南阿發銀廠○
十一年題準開採廣西賀縣蝸山銀礦每兩
收課三錢○十二年題準開採廣西懷集縣汶
塘山銀鉛礦廠二八收課○十三年題準封閉
湖南郴州九架夾黑白銀鉛各礦○乾隆二年
題準廣西懷集縣屬荔枝山礦廠銀鉛並產準
其開採所收課稅按季報部歲終彙題○又題

準開採廣西梧州府屬金盤嶺金礦二八收課

○又題準封閉廣西懷集縣汶塘山銀鉛礦廠

○又題準封閉廣西臨桂縣出產銀鉛銅砂之

水槽野雞二礦廠○三年題準廣西賀縣之螞

蛎山銀礦礮深砂薄準其封閉○五年覆準貴

州威寧府屬白蠟廠銀礦開採年久洞老山空

又廣西蒼梧縣金盤嶺金礦砂薄不敷商本均

準封閉○七年題準廣西省銀鉛並產之荔枝

山礦礮淺砂竭難以開採準其封閉○八年題
準貴州天柱縣屬相公塘東海洞等處金礦均
屬荒郊曠野並無干礙民田廬舍照例開採每
金一兩收課三錢應需火工等項銀均於課金
內變銀給發○九年覆準廣東廣州府番禺等
縣出產銅礦十二處鉛礦二十二處銅鉛礦砂
三處韶州府屬曲江等縣出產銅礦五處鉛礦
二十七處又銅鉛礦砂三處惠州府博羅等縣

出產銅礦十六處鉛礦十處有鉛礦兼有銀砂
五處潮州府屬海陽等縣出產銅礦六處鉛礦
七處銅鉛礦砂十五處又銅鉛礦砂兼有夾雜
金銀砂十四處肇慶府屬鶴山等縣出產銅礦
二處鉛礦五處又銅鉛礦砂九處羅定州屬西
寧縣出產銅鉛礦砂五處連州州屬及連山縣
出產銅鉛等礦十七處銅礦一處嘉應州州屬
及長樂等縣出產銅礦四處鉛礦六處詳加察

覈如果實無妨礙民田廬墓確有成效即行招商開採倘採出金銀捏作銅鉛扶同侵隱情弊立即嚴叅究追將採獲銅鉛仍照定例二八徵收按季造報歲終具題各廠所收銅鉛金銀令該管道員發給地方官循環流水印簿連五串票將每日所出銅鉛金銀各若干填注流水簿分截串票一繳該管道員衙門一存地方官稽察一付商人存照其串根流水一月一繳該管

道員衙門察覈仍十日一次申報督撫及司道衙門稽考按月造具採鍊鉛銅金銀支銷公費各冊繳報該管道員衙門察覈仍按季造冊分送督撫及該有司衙門稽考凡日逐採出礦砂挨次堆貯如某日煎鍊某礮某日礦砂若干斤鑪頭報明官商督同煎鍊該管官一同驗明分別銅鉛金銀分記塊數斤兩注册登填串票督撫仍不時訪察如有偷漏情弊分別究追叅處

其各州縣礦山多者十數處少者亦有數處若
止招一總商令其自招副商協辦恐資本浩繁
一時不能獲招副商轉致耽延時日令一縣之
中如有礦山數處及數十處者惟於連界之處
許一商兼承其隔遠不相連之山每山許招一
商承充則在山工丁便於管束倘有資本無幾
者仍聽其合夥同充至承充之人先令其將本
銀親赴該管道覈實或二千兩或三千兩總以

足敷用度為率不必拘執定數覈實之後仍令
齎赴該州縣就近呈驗貯庫發領州縣於結報
文內聲明驗貯本銀若干出具並無捏飾印結
詳報督撫衙門批準承充由司給與商人印照
赴山開採如礦少砂微之處不能容商開採許
附近人民報官開採照例收課倘商人因開採
無利及工力不繼自願告退別招殷實商人接
辦日後所得礦砂悉與退商無涉○又覆準廣

東開礦事宜應於廣州肇慶二府近處山場擇其礦砂旺盛無礙民田廬墓酌量二三處先行試採如果有成效再奏請定議漸次舉行照原定章程辦理至金銀礦於鼓鑄無涉應停止開採照舊封閉嚴飭地方官弁不時巡察倘有盜開私煎之徒即嚴拏究治其銅鉛礦有夾帶金銀屑者仍準開採照例收課○又題準廣東潮州府海陽縣水尾白墳珂山廠銀鉛並產應行

試採○十年題準廣東惠州府永安縣粗石坑
肇慶府陽春縣莫村那軟瓦塋等廠銀鉛並產
韶州府曲江縣黃崗山銀銅並產均應試採○
又題準封閉雲南大姚縣惠隆銀廠○又題準
封閉雲南金龍銀廠○十一年題準開採貴州
水城所屬法都銀礦○又題準開採貴州思南
府屬天慶寺金礦○又題準廣東惠州府河源
縣藍溪約銅鑼灣凹下坦薑凹銀銅鉛並產潮

州府豐順縣李樹灣風吹礫雙山嶺嘉應州大
禾坪均銀鉛並產應行試採○又題準貴州天
柱縣相公塘東海洞金礦洞深砂淡準其封閉
○又題準廣東海陽縣水尾白墳垌豐順縣李
樹灣風吹礫陽春縣莫村那軟瓦塹等礦皆砂
微利薄試採期滿均請封閉○十二年題準開
採貴州威寧州屬大化里新寨地方銀鉛礦砂
每煎銀一兩收課四錢○十三年題準廣東曲

江縣黃崗山河源縣藍溪約銅鑼灣凹下坦薑
凹等礦試採無效準其封閉○十四年題準封
閉貴州新寨銀鉛礦○又題準封閉雲南阿發
銀廠○十七年題準廣東豐順縣地脚下鉛山
又山焦窩鉛山均繫礦砂旺盛煎鍊鉛銀已有
成效應準開採照例收課按季冊報歲終具題
一銅鐵錫鉛礦課山西交城縣馬鞍山鉛礦二
八收課又交城縣屬新開子洞金溝鉛礦二八

收課又平定州屬銅題山鉛礦照例收課湖南
郴州桂陽二鉛廠二八收課陝西同州府屬華
陽川鉛廠二八收課福建延平府屬州縣鑪戶
每年輸銀二百六十二兩四錢有奇湖北宜都
縣橫磧漢洋二鐵礦二八收課四川樂山縣屬
老洞溝梅子凹銅礦均二八收課迤北建昌鎮
會川屬沙溝嶺廠出產黃礦青礦黃礦燒鍊點
化紅銅青礦燒鍊點化黑鉛又興隆銅廠三分

收課建昌鎮寧番營屬紫古喇銅廠三分收課
又黃鐵山高鑪六座照例收稅變銀盡收盡解
廣東惠潮韶肇等府銅錫礦廠二八收課又廣
東鐵鑪二十四座年納餉銀千二百十有六兩
廣西恭城縣屬山斗岡銅礦每百斤收課十有
五斤又廣西臨桂等府州鐵礦五十四座每座
歲輸銀十兩廣西宣化縣屬淥生嶺鉛礦二八
收課又恭城縣屬上陡岡蓮花石銅鉛礦廠二

八收課又恭城縣屬大有朋山鉛廠每百斤收
課十有五斤雲南永平縣青陽銅廠羅次縣三
才銅廠宜良縣大石碕銅廠和曲州芹菜箐銅
廠會澤縣湯丹銅廠大水溝銅廠碌碌銅廠多
那銅廠東川府阿壩租銅廠鎮雄州長發坡銅
廠元江府青龍銅廠寧洱縣白龍銅廠蒙自縣
金釵銅廠易門縣寨子山銅廠昆陽州子母銅
廠趙州二郎銅廠永平縣銅礦箐銅廠文山縣

者囊銅廠順寧府寧臺山銅廠路南州鳳凰坡
銅廠紅石巖銅廠宣威州龍寶大山銅廠騰越
州安庫山銅廠平彝縣白石巖銅廠南安州香
樹坡銅廠馬龍銅廠麗江府日見汛銅廠廣通
縣雙象銅廠平彝縣半箇山銅廠新平縣太和
銅廠以上各廠年額共課銀一萬八百二十五
兩七錢九釐有奇定遠縣媽泰白銅廠茂密白
銅廠每年課無定額彙入銅息冊內造報雲南

鐵鑪十六座年額課銀一百三十四兩四錢有
奇又蒙自縣屬箇舊錫廠每年額課銀三千一
百八十六兩又羅平州屬卑泮鉛廠每百斤收
課十斤平彝縣屬塊澤鉛廠每百斤收課十斤
貴州大定府屬格得正廠八地子廠每銅百斤
收課十斤威寧州屬銅川河銅廠水城屬法都
鉛廠威寧州屬蓮花塘砂硃鉛廠都勻府屬濟
川鉛廠思南府屬天星扒泥洞白鉛廠均二八

收課○康熙二年題準四川黎漢紅卜苴二洞

白銅舊廠令民間採輸稅○十九年題準浙江

富陽等縣任民採取銅鉛照例收稅○又覆準

湖廣衡永二府產銅鐵錫鉛處招民間採輸稅

○二十年停止浙江富陽等縣開採○二十四

年議準四川邛州蒲江縣黃鐵山開鐵礦六座

招民間採十分收稅二分○又奏準雲南各鐵

廠照例收課以佐邊餉○二十七年覆準四川

自康熙二十三年起至二十五年止共收稅鐵
萬一千六百餘斤照每斤二分之時價變賣報
部充餉○四十九年題準雲南昆陽州有子母
廠易門縣有寨子山廠均為銅礦令開採以收
課息○五十年題準湖南產鉛地方山深谷遠
境通黔粵苗徭雜處開採不便永行封閉○五
十二年題準湖南大湊山黃沙等三處於一年
內開採獲稅鉛三十六萬二千一百餘斤○五

十三年覆準四川麁子廠獲有黑鉛開採納課
○五十七年覆準四川各廠通行停止○雍正
元年覆準雲南廠課將元年正月起至十二月
止徵收課項於二年五月內造冊題報嗣後永
為定例○二年題準貴州大定府屬馬鬃嶺鉛
廠又普安縣屬丁頭山鉛廠均準開採二八收
課○又覆準貴州威寧府齊家灣丁頭山等處
出產鉛礦交商人開採納課○三年覆準湖南

九架夾地方出產白鉛雇募人夫開採所獲之鉛照例二八收課○五年覆準貴州大定府猴子廠硎老砂竭別有水城等礦煎試有效許其開採令該撫據實收課造冊題報○又題準開採貴州威寧府屬臚書阿都二廠二八收課○六年題準開採廣西臨桂縣潯江煙竹枝二銅廠懷集縣上富銅廠二八收課○又題準廣西恭城縣屬申家猺禾木嶺等廠二八收課○七

年題準湖南桂陽州大湊山白銅礦廠應準開採照舊二八收課按季造報○又題準貴州威寧所屬齊家灣鉛廠永行封閉○又覆準貴州畢節縣大雞廠出產倭鉛威寧府屬裸木果地方出產銅礦煎試有效準令開採照例二八收課○又題準開採廣西宣化縣屬鏡鉢山鉛廠二八收課又臨桂縣屬水槽野雞二礦廠出產銀鉛銅砂準其開採二八收課○八年題準四

川建昌所屬會川之迤北興隆二廠寧番之紫
古喇沙基二廠並九龍廠出產紅白銅礦本省
商人不善開礦應招募四方殷實商人自備資
本赴廠開採所出紅銅三分收課又會川沙溝
嶺廠出產黃礦青礦黃礦燒鍊點化紅銅青礦
燒鍊點化黑鉛公母廠出產紅銅黎溪廠出產
白銅均準開採收課○又題準貴州威寧州所
屬砂硃廠大興廠鉛礦試有成效應準開採所

出鉛照例二八收課○又覆準停止貴州威寧府屬阿都臚書二廠○又覆準雲南羅平州之卑浙塊澤二廠產在深山凡米糧什物器具較之他廠甚貴又二廠每鉛百斤約費工本銀一兩七錢九分交官得價銀二兩若照例二八收課每百斤只得八十斤之價虧本一錢九分人必畏阻恐於鼓鑄有妨請仍照議每百斤收課十斤如遇礦廠興旺商民雲集之日仍照舊例

行○九年題準貴州遵義縣屬小洪關地方出
產倭鉛採試有效準委遵義縣管理所出鉛照
例每百斤收課二十斤每百斤定價銀一兩五
錢變解貯庫候撥如有以多報少即行題叅○
十年題準貴州大定府格得八地二廠產有銅
礦請將格得為正廠八地為子廠照例開採每
百斤收課十斤○又題準貴州大定府屬大興
鉛廠畢節縣大雞鉛廠開採數載礦砂無出準

其封閉○又題準封閉四川沙基九龍公母黎
溪等銅廠○又題準封閉四川沙溝嶺銅鉛廠
○十一年題準貴州威寧府屬猓木果銅廠礦
汁漸淡出銅無幾準其封閉○又覆準廣西桂
林等府州開燒鐵礦照例收課○十二年題準
湖南大湊山白鉛礦廠仍行停止○又題準開
採廣西懷集縣屬汶塘山礦廠二八收課○十
三年

諭廣東近年以來年穀順成米價平減盜賊漸少地方
寧謐與從前風景迥異今若舉行開採之事不免聚
集多人其中良頑不一難於稽察管束恐為閭閻之
擾累況本地有司見在勸民開墾彼謀生務本之良
民正可用力於南畝何必為此僥倖貪得之計以長
喧囂爭訟之風著該部即行文該省督撫令其遵諭
停止欽此○又題準封閉湖南九架夾地方鉛礦○

又題準封閉廣西宣化縣屬鏡鉢山鉛廠○又

題準貴州威寧州蓮花塘地方產有鉛礦準其
開採嚴飭管廠人員全數開報照例二八收課
其所收課鉛照所定之價每百斤以一兩五錢
變價解庫○又題準廣西臨桂縣潯江煙竹枝
二廠懷集縣之上富廠開採日久礮口深遠準
其封閉○乾隆元年題準貴州遵義縣屬之小
洪關鉛廠硃老山空開採無益準其封閉○又
覆準廣西恭城縣屬之申家猺禾木嶺等礦廠

礮深砂薄收課有限準其封閉○二年題準廣西懷集縣屬汶塘山礮廠各礮無砂又臨桂縣屬之水槽野雞二處礮廠開採年久礮老砂微均準封閉○又題準貴州大定府屬之馬鬃嶺鉛廠普安縣屬之丁頭山鉛廠開採年久硃老山空均準封閉○又覆準廣西宣化縣屬之淶生嶺鉛礮試採有效準其開採○三年題準廣東開採礮廠原為鼓鑄需銅起見應責成地方

官詳細察勘辨明砂色如果實繫產銅山礦始
準結報開採其金銀等礦悉行封閉至黑鉛即
繫銀母未便蒙濶開採應嚴行禁止其各州縣
礦山原屬多寡不等應招募總副各商務責本
地殷實良民自備資本赴廠開採不許外省游
手閒民濶雜冒充所收銅鉛除照例二八收課
外仍將所餘銅鉛每百斤別收三釐又加收三
斤以備般運折耗及在廠官役養廉工食之用

每年所收課餘銅鉛並動用工本等項照例造冊題銷○四年奏準山西絳州垣曲縣之毛家灣銅礦苗線旺盛四至均無關礙地方準其開採其鍊出銅照例收課○又題準廣東英德縣屬長崗嶺等山陽春縣屬鸚鵡等山歸善縣屬石門仔等山永安縣屬慶牛窩等山曲江縣屬礮崗蘆溪等山大埔縣屬東山下坑等山博羅縣屬分水凹等山準其開採所出銅照例收課

○又題準貴州綏陽縣月亮巖地方產有鉛礦
無干礙田園廬墓照例開採收課○五年題準
廣東原有錫山應酌開三四處即令辦銅各商
自備工資分任採辦凡得錫百斤照例二八收
課以二十斤交官起解以八十斤歸商作本準
其開採○又題準雲南羅平州屬卑浙塊澤二
廠自停止官收以來外省鉛價日賤既無客販
來廠收買鑪戶運銷變售殊難暫行封閉○六

年題準山西垣曲縣毛家灣銅礦礦砂淡薄開採無益準其封閉○又題準貴州威寧州屬銅川河廠產有銅礦準其開採照例二八收課○又題準雲南羅平州之卑淅塊澤二鉛廠準其照例開採○七年題準四川建昌道所屬之迤北沙溝紫古咧三銅廠川東所轄雲陽界連奉節縣之銅鉛礦廠永寧道所轄長寧縣之茶山溝鉛山並無妨礙田園廬舍準其開採○又題

準四川會川所屬之沙溝嶺銅鉛並產仍準開採○又題準貴州威寧州屬銅川河銅礦並無干礙民間田園廬墓採試有效題請開採每銅百斤收課十斤○又奏準黔省思州府屬楓香廠出產黑鉛礦砂勘明無礙民間田墓應行開採○又題準廣東曲江英德歸善博羅永安大埔陽春等縣之銅山準其封閉○又題準開採廣西恭城縣山斗岡銅礦每百斤收課十斤○

九年題準廣東廣州府增城縣大竹汾井底鉛
礦應行試採○又題準封閉四川長寧縣茶山
溝鉛礦○十年題準湖廣宜都縣橫磧漢洋二
處鐵礦並無妨礙準其開採以資器用二八收
課變價解司○又題準四川建昌紅銅各廠見
採獲銅尚不足鼓鑄勢難又為酌撥點化白銅
請將黎溪白銅一廠暫行封閉俟各廠紅銅盛
旺鼓鑄有餘時再請開採○又題準福建延平

府屬州縣所轄山場均產鐵砂準鑪戶設鑪開
扇照例收課○又題準廣西開採各屬銅廠除
二八收課外商民所獲餘銅若照部定九兩二
錢之價官買商民難免賠墊請將動帑收買餘
銅槩行停止其各屬銅廠改為三七收課餘銅
聽商自行售賣試行一年如果敷用即永遠辦
理倘或不敷再為設法變通○又題準四川
東道屬雲陽界連奉節各銅鉛礦廠永寧道屬

之長寧鉛廠苗絕準其封閉○又題準貴州各
廠除收課外每餘鉛百斤鑪民所得收買價銀
一兩三錢不敷工本食用之費將蓮花砂硃二
廠餘鉛於向定官價一兩三錢外酌增銀二錢
每百斤以一兩五錢收買○又題準貴州水城
通判所屬之猓本底地方產有鉛礦並無干礙
田園廬墓似可開採請照蓮花廠之例每鉛百
斤收課二十斤每百斤定價一兩五錢變價解

庫辦事人役工食等項每月開銷銀三十兩六錢○又題準貴州普安州屬之羅朋地方產有鉛礦並無干礙田園廬墓試採有效準其開採嚴飭管廠人員據實開報照例二八收課○又題準貴州都勻府丹江所屬之濟川地方產有鉛礦並無干礙田園廬墓似可開採每鉛百斤收稅二十斤變價解庫辦事人役工食等項每月開銷三十兩六錢增設巡役八名統於課鉛

變價項下開支○又題準廣西平樂府恭城縣屬豬頭嶺鉛礦並無干礙田園廬墓發鑪煎鍊成鉛鉛內又分出銀及蜜陀僧照例每鍊鉛百斤收正課二十斤撒散三斤每銀一兩收正課銀一錢五分撒散三分蜜陀僧每百斤收正課二十斤撒散三斤準其開採○十年題準廣東韶州府英德縣洪礫山銅礦應行試採○十一年題準四川開採沙溝紫古咧銅廠長寧鉛廠

內煎獲銀委官煎驗分晰銀銅鉛計算有虧商
本仍以二八收課竝將來礦砂旺盛仍照四六
收課○又題準福建尤溪縣鐵鑪戶歲納課銀
十有四兩三錢有奇今勘明鑪戶資本消耗山
場柴炭皆盡無人承頂所升課銀準其豁除○
又秦準廣西銅廠開採年久礮路深遠採取維
艱原與從前情形不同工費實屬浩繁若照原
定二八收課每餘銅百斤給價八兩三錢及九

兩二錢之數收買實在不敷商本準以十有三兩之價作為定價收買俟將來礦廠旺盛銅鉛充裕之日據實覈減題報將餘銅收買一半其一半給商自行售賣○又題準貴州水城所屬法都地方產有鉛礦照猓木底廠之例準其開採○又奏準廣東開採銅鉛礦廠每鉛百斤除徵收課鉛公費外餘鉛七十斤以三十五斤交官給價收買其餘三十五斤聽商自行售賣以

濟各商工本○又題準貴州思州府屬之楓香
黑鉛礦廠礦砂淡薄準其封閉○又題準封閉
廣東增城縣大竹坳井底鉛礦○十二年題準
開採貴州威寧州屬大化里新寨地方銀鉛礦
砂每出鉛百斤收課二十斤餘鉛歸官收買每
百斤給價銀一兩五錢○又題準貴州綏陽縣
月亮巖坪鉛廠衰微準其封閉○又題準貴州
思南府屬之天星扒泥洞出產白鉛礦砂並無

干礙民間田園廬墓悉照濟川廠之例開採○
又奏準雲南祿勸州接壤之多那廠復行開採
照湯丹廠例收課每餘銅百斤給銀六兩即作
湯丹廠子廠報銷○又題準封閉廣東英德縣
洪礫山銅礦○十四年奏準開採粵西賀縣所
屬百應山銅廠抽收課餘之銅按年造報○又
題準封閉貴州大化新寨地方礦廠○又題準
封閉廣西恭城縣豬頭嶺鉛礦○十五年題準

封閉普安州屬羅朋鉛廠○又題準封閉貴州
天星扒鉛廠○又奏準浙江處州府屬之雲和
松陽遂昌青田溫州府屬之永嘉平陽以及附
近平邑淘洗之泰順等縣向有產鐵砂坑今覆
明坑戶十有五鑪戶五十有九坑課酌分三則
上則徵銀一兩六錢中則一兩二錢下則八錢
鑪餉酌分二則上則徵銀六錢下則三錢歲徵
銀共五十八兩令地方官造入奏銷冊報部至

洗鐵溪河易於淤塞每坑歲繳銀四錢以為疏濬之用又每鐵百斤輸銀一釐以供給票紙張之費○十六年題準貴州水城通判所屬之猓木底鉛廠年來礦砂已微應準封閉其附近之茨沖地方產鉛甚旺應移於該處開採照例二八收課每百斤以一兩五錢變價解庫○又議準貴州威寧州屬勻甬地方產有銅礦應準開採一九收課餘銅每百斤給價銀八兩官為收

買以供鼓鑄之用辦事人役月支銀十兩五錢
於所收課銅內變價按名給發○十七年題準
廣西賀縣所屬之百應山出砂微薄應準封閉
○又題準四川威遠縣屬之大山嶺鐵鑪溝二
處準其開採每十斤收課二斤每斤變價銀二
分○又覆準浙江永嘉平陽坑鑪等戶及泰順
鑪戶因產鐵無多不能徵輸上中課餉準照原
定下則徵收其雲邑課餉科則仍照原報徵收

至永嘉平陽二縣淘沙坑戶與河道無涉免其
輸納其松陽遂昌各坑戶應徵課銀及濬河銀
每年於奏銷課餉冊內分晰造報○又題準湖
南郴州所屬之東沖柿竹園試採錫砂甚旺應
令該州判專司其事照例開採每鍊錫百斤
收課二十斤撒散四斤餘錫盡數收買同正課
撒散一并解交省局以備鼓鑄○又題準四川
榮經縣之呂家溝出產銅砂礦苗旺盛見可開

採每淨銅百斤照例收課二十斤耗四斤八兩
餘銅半給商賣半歸官買每百斤照依商本給
價銀九兩八錢○又題準廣西思恩縣幹崗山
黑鉛礦自乾隆十二年十一月至十六年正月
開採已有成效每百斤收課二十斤撒散三斤
近又產白鉛礦更加旺盛照例收課撒散至本
省鼓鑄需用白鉛若僅資課鉛仍屬無多應將
商人所得餘鉛以一半歸官收買同課鉛隨時

解司以供鼓鑄一半聽商自賣歸本○十八年
題準四川天全州屬之大川廠銅礦準其開採
每銅百斤照例收課二十斤耗四斤八兩餘銅
半歸官買以供鼓鑄○又議準川省冕寧縣沙
雞鉛廠準照銅廠之例畫一收課每淨鉛百斤
收正課二十斤收耗鉛四斤八兩餘鉛盡歸官
買每百斤給銀一兩六錢○又題準雲南祿勸
等州縣既出黑鉛應準其開採每百斤收課二

十斤以十斤變價充餉五斤變價解司充公五斤為管廠官役養廉工食其收買價直多寶發咱妥妥等三廠每百斤給銀一兩八錢金雞廠一兩六錢二分


一水銀硃砂雄黃礦課舊例貴州額徵開州用砂廠水銀千二百六十九斤遇閏加一百三十三斤有奇婺川縣婺川廠徵水銀一百六十九斤有奇均照時價變賣貯庫造冊報部○康熙

元年定貴省開州斗甫廠徵水銀九十五斤遇
閏加十斤各有奇又普安縣橋廠招民開採徵
水銀三百三十三斤○七年題準貴省開州斗
甫婺川普安四廠連閏徵收水銀變價撥充本
省兵餉○九年覆準貴州黔西州屬新開黃土
坎廠徵水銀百斤○三十八年覆準開州用砂
斗甫二廠山顏砂盡改於修文縣紅白巖地方
開採辦課○雍正元年覆準貴州普安縣濫水

橋水銀廠委修文普安二縣協同管理其修文縣屬水銀廠年久砂淡額課銀六百五十餘兩丁逃難辦將普安縣報解水銀價銀一百六十兩移解修文額課○又覆準貴州版廠水銀額課八十兩七錢在濫水廠徵收盈餘銀內抵補其版廠原額即行豁除○五年覆準貴州濫水廠水銀稅羨銀自本年五月起盡數報部充餉○八年題準貴州大定府屬開採硃砂雄黃二

廠均照例二八收課○又題準廣西恩城土州
開採硃砂礦廠照例收課○又題準廣西南寧
府屬果化土州產有雄黃準其開採○乾隆二
年覆準廣西恩城土州硃砂礦廠見今止有一
二礮口其餘絲毫無獲準其封閉○五年題準
廣西南寧府屬果化土州雄黃礦廠開採年久
礮深礦竭準其封閉○十二年覆準廣西鎮安
府屬天寶縣孟村淶因礦廠被水難以煎熬移

於天寶縣屬之那坡山開採



欽定大清會典則例卷四十九